

永樂大典

第四冊

# 永樂大典

第四冊

中華書局

圖書在版編目(CIP)數據

永樂大典/(明)解縉等奉敕纂. - 北京:中華書局,1986.1  
(2012.3 重印)  
ISBN 978-7-101-08405-4

I. 永… II. 解… III. 百科全書-中國-明代 IV. Z224

中國版本圖書館 CIP 數據核字(2011)第 250589 號

責任編輯:李 靜

永 樂 大 典

(全十一冊)

[明]解縉等奉敕纂

\*

中 華 書 局 出 版 發 行

(北京市豐臺區太平橋西里 38 號 100073)

<http://www.zhbc.com.cn>

E-mail:zhbc@zhbc.com.cn

北京瑞古冠中印刷廠印刷

\*

787×1092 毫米 1/16·672 $\frac{3}{4}$ 印張

1986 年 1 月第 1 版 2012 年 3 月第 2 版

2012 年 3 月北京第 4 次印刷

印數:5001-5500 冊 定價:7800.00 元

---

ISBN 978-7-101-08405-4

# 第四冊目錄

## 十八陽

|       |      |       |      |
|-------|------|-------|------|
| 卷七三七八 | 三一五  | 卷七四五五 | 三二四一 |
| 卷七三七九 | 三二五  | 卷七四五六 | 三二五九 |
| 卷七三八五 | 三三一  | 卷七四五七 | 三二七〇 |
| 卷七三八六 | 三三八  | 卷七四五八 | 三二八〇 |
| 卷七三八七 | 三三三  | 卷七四五九 | 三二九七 |
| 卷七三八八 | 三六六  | 卷七四六〇 | 三三一〇 |
| 卷七三九三 | 三二七六 | 卷七四六一 | 三三二一 |
| 卷七三九四 | 三二九一 | 卷七四六二 | 三三三一 |
| 卷七四四九 | 三二〇三 | 卷七五〇六 | 三三四二 |
| 卷七四五〇 | 三二一  | 卷七五〇七 | 三三五七 |
| 卷七四五三 | 三二三  | 卷七五一〇 | 三三七六 |
| 卷七五四四 | 三三五  | 卷七五一一 | 三三九三 |
|       |      | 卷七五一二 | 三四〇一 |
|       |      | 卷七五一一 | 三四一三 |
|       |      | 卷七五一四 | 三四二四 |

|       |      |       |      |
|-------|------|-------|------|
| 卷七五一五 | 三四四二 | 卷七八八九 | 三六〇七 |
| 卷七五一六 | 三四四九 | 卷七八九〇 | 三六一六 |
| 卷七五一七 | 三四五九 | 卷七八九一 | 三六二六 |
| 卷七五一八 | 三四七三 | 卷七八九二 | 三六三三 |
| 卷七五四三 | 三四八六 | 卷七八九三 | 三六四九 |
| 卷七六〇二 | 三五〇六 | 卷七八九四 | 三六六〇 |
| 卷七六〇三 | 三五一五 | 卷七八九五 | 三六六七 |
| 卷七六五〇 | 三五二九 | 卷七九六〇 | 三六七八 |
| 卷七六五一 | 三五四〇 | 卷七九六一 | 三六八五 |
| 卷七六七七 | 三五五〇 | 卷七九六二 | 三六九二 |
| 十九庚   |      | 卷七九六三 | 三七〇一 |
| 卷七七〇一 | 三五六六 | 卷八〇二〇 | 三七一八 |
| 卷七七〇二 | 三五七四 | 卷八〇二一 | 三七三〇 |
| 卷七八五六 | 三五八二 | 卷八〇二五 | 三七四三 |
| 卷七八五七 | 三五九八 | 卷八〇二六 | 三七五三 |

|       |      |       |      |
|-------|------|-------|------|
| 卷八〇九一 | 三七六八 | 卷八五二七 | 三九五七 |
| 卷八〇九二 | 三七七四 | 卷八五八七 | 三九六四 |
| 卷八〇九三 | 三七八五 | 卷八五八八 | 三九六九 |
| 卷八一六四 | 三七九五 | 卷八六二八 | 三九七九 |
| 卷八一六五 | 三八〇七 | 卷八六二九 | 三九八七 |
| 卷八一九九 | 三八一六 | 卷八六四七 | 三九九八 |
| 卷八二六八 | 三八三三 | 卷八六四八 | 四〇〇四 |
| 卷八二六九 | 三八四六 | 卷八七〇六 | 四〇一七 |
| 卷八二七五 | 三八五六 | 二十尤   |      |
| 卷八三三九 | 三八七二 |       |      |
| 卷八四一三 | 三八九五 | 卷八八四一 | 四〇三二 |
| 卷八四一四 | 三九〇九 | 卷八八四二 | 四〇四一 |
| 卷八五〇六 | 三九二四 | 卷八八四三 | 四〇四九 |
| 卷八五〇七 | 三九三四 | 卷八八四四 | 四〇六一 |
| 卷八五二六 | 三九四六 | 卷八八四五 | 四〇七一 |
|       |      | 卷八九〇八 | 四〇八四 |

第四冊目錄

四





皇太子升殿三上香跪奠茶酒降後位舉哭再拜訖退詔休 大欽儀  
其日侯排辦訖大欽時前都大主官官詣香案前北向再拜訖揖旁上香  
再上香三上香跪執盞酌茶三奠酒執笏伏興立侯起揖官讀祝文  
訖請再拜訖俟時大欽 成服 乾道三年六月二十五日禮部尚書周  
執羔等劄子今來皇后上僊依典禮文武百僚合服齊哀布頭冠白腰頭  
大袖綢衫腰牌故事三省樞密院主事以上係主事以上有官人係主  
事以上係主事以上係主事以上係主事以上係主事以上係主事以上係主事  
件故事製造內引班無官人止服布腰頭大袖綢衫腰牌並乞下臨安府  
製造並契勘見任職事官合製造孝服外所有寄居侍闈文武官依例給  
布一疋自行製造劄下臨安府依所乞事理施行 二十六日禮部尚書  
周執羔等劄子今來皇后上僊檢照孝明皇后崩皇帝成服服齊哀布頭  
冠腰頭大袖綢衫腰牌腰綢杖皇子亦服服加布斜巾帽首經綢綢服  
所有今來皇帝皇太子皇子所服欲依件典故其皇太子妃并皇子夫  
人所服別無的確典故外今欲比附公主典故故服布頭腰牌綢衫首經綢  
綢服並乞下文思院製造內皇帝水服赴御藥院送納及檢照節節皇后  
故事皇帝成服並服孝明皇后禮例製造給奉指揮不用桐杖欲乞依上

永樂大典卷七三七八

三

件禮例詔休 同日禮部太常寺言今來皇后上僊今檢照節節皇后典  
禮參酌討論下項 一勘會行在諸軍將校已降指揮於本營發來外所  
有將未成服依禮例除統制統領官成服外其餘將副并部隊將管隊使  
臣并散使臣陞朝官以上及將校副指揮使以上常服哭於本營廳事三  
日而止其常日朝服祇應排立行門禁衛班直將校副指揮使以上御前  
忠佐百官赴臨去色衣臨於殿門外今欲乞依件禮例施行 一勘會  
外路駐劄諸軍去處依禮例合就所屯軍去處依報到自副將而上成服  
其餘部隊將至副指揮使以上並常服哭於本營廳事三日而止今欲乞  
依件禮例內沿邊州軍駐劄去處依禮例更不舉哀俟指揮下月令進  
奏院關報詔休同日又言今條具下項 一依禮例諸路監司州軍縣鎮  
長吏以下令服布四脚巾直領綢衫上項不舉腰經以麻其所遺水  
服乞令所在州軍製造 一欲乞依禮例行在并諸路州軍縣鎮士庶於  
本家素服三日而除婦嫁除服後不舉行在自成服日為始諸路州軍  
計告到日為始一欲乞依禮例沿邊州軍縣鎮並不舉哀 一逐項事理  
候令降指揮下月令進奏院關報詔休同日又言今條具下項 一御前禁衛行門  
止服淺淺素服布四脚巾詔休同日又言今條具下項 一御前禁衛行門

班直親從快行親事軍官自皇帝成服後如遇朝殿等欲乞依禮例並服  
紫衫黃帶子頭帽至皇帝釋服了日休養 一將未文武百官成服後有  
乘花繡轎者欲乞依禮例並易以皂轎至釋服日休養詔休 二十七  
禮部太常寺言檢會欽聖憲肅皇后上僊二第及顯仁皇后上僊等  
姪並服喪終三年之喪若入皇城門權易墨裘由權開門入出所有逐  
七百日止合在家設位行禮其掛服日合於當日掛服門內權開門外  
便服服入赴立班所有今來大行皇后之弟夏執中欲乞依件禮例  
詔休同日禮部尚書周執羔等劄子大行皇后上僊已檢照典禮降指  
揮皇太子皇子亦齊衰服加布斜巾帽首經綢綢服之禮記問喪篇有  
子不用杖之文為尊者避故也今欲依禮例更不用杖詔休 同日禮部  
太常寺言檢照節節皇后上僊禮例皇帝成服并釋服日及釋服後至  
廟前遇朔望日皇帝不視事文武百僚於常御殿門外進名奉慰所有今  
來大行皇后上僊欲乞依禮例皇帝成服并釋服日及釋服後至廟前  
遇朔望日皇帝不視事文武百僚於後殿門外進名奉慰詔休 同日又  
言成服畢皇帝行祭奠之禮今檢照節節皇后上僊條具下項 一合用  
香案香爐匙合炭火湯瓶注碗盤盞托奠茶酒盃子鈔鐃盆臺燎草等并

永樂大典卷七三七八

四

焚祝版燎草燈火並乞從都大主官所下諸司排辦 一合用御體施  
於別殿側隨地之宜并御座黃羅網椅奏請紫梅乞下儀駕司排辦 一  
合用祝文一首連以皇帝為大行皇后成服能行祭奠之禮乞下學士院  
修撰 一合用御封降真香一合乞下內侍省取降 一合差詣祝  
文官一員於史官內差 一合差侍者并進茶酒捧版祝版內侍乞下  
內內侍省差 一合差定時起指揮官二名乞於都大主官所起指揮官內  
差一名於殿內一名入殿門外百餘步前一成服日及時如遇雨降泥  
澤乞令文武百僚止於別殿門外幕次俟時掛服隨地之宜權立止乞  
率執及見今赴臨入殿立班官於殿門內外隨宜立班 一合差前導太  
常卿一員贊引太常卿太常博士一員乞差太常寺少卿博士充 一依  
禮例成服日百司作休務假一日詔休 二十八日禮部太常寺言今來  
大行皇后上僊成服日皇帝行禮欲乞皇太子皇子詣殿下同百僚立班  
詔休 二十九日禮部太常寺言所有其餘皇太子皇子至大行皇后  
中哭泣如家人之禮詔休同日又言成服畢欲乞至日侯文武百僚後殿  
門外進名奉慰訖訖詣德壽宮殿門外進名奉慰光壽聖太上皇帝次  
移班稍東進名奉慰壽聖太上皇后詔休同日又言儀駕司狀契勘所管

陳設係是日常應奉之物所有今來應于釘設所用陳設名色亦各下所  
屬討論指定若有改易名色候指揮下日報臨安府兩浙轉運司製送關  
借禮畢拘收奉聖旨依令禮官討論指定今討論指定除大行皇后殿陳  
設合用白素外所有殿側所設帷次用青素其餘陳設係是時暫即難改  
易詔係同日又言今續次討論合行典禮 一今來大行皇后上儀欲立  
依懿節皇后禮例成服日百官服常服吉帶入皇城門內幕次服衣立  
班訖就次易常服去金玉帶魚袋服黑帶進名奉慰訖出皇城門其第二  
第三日入臨准此唯不奉慰至釋服休舊 一昨顯仁皇后例文武官咸  
服入臨并奉慰訖既出內門並服白頭巾素服白帶子所有今來文武官  
咸服入臨并奉慰後在外所服欲乞依上件禮例至除服日休舊 一今  
來成服日三省樞密院等處無官人欲乞依懿節皇后禮例素服三日詔  
依 二十九日禮部太常寺言今具昨懿節皇后禮例素服三日詔下項  
一成服三日每日朝臨文武百僚並合詣別殿立班係於七月二日三日  
四日朝臨其行禮儀注即合依見今入臨儀注 一合用香三合乞令入  
內侍省請降付本殿其香案香爐炭火匙合等乞令都大主管所下諸  
司排辦 一依禮例入內侍省并內侍省官所服孝服若隨從車駕至

永樂大典卷七十三

五

几建殿即合服著所有今來入內侍省官所服孝服欲乞依上件禮例  
若隨從車駕至大行皇后別殿即合服著詔依 同日禮部尚書周執羔  
等言今來光壽聖太皇太后上皇后舅姑為婦雖是服期檢照  
國朝會要典故即無該載止有為宗室大功以上親合舉哀成服此發哀  
設次於後苑壬地前一日所司預於舉哀所設幕殿周以簾帷色用青素  
服素白羅衫皂幘頭黑銀腰帶行舉哀成服禮今來光壽聖太皇太后  
欲乞北附三件禮例外壽聖太皇太后所服禮制今參酌會要典故合服  
碧羅帕頭披白羅寬袖衫淡黃軟子裙欲乞依上件禮例於七月二日成  
服時於德壽宮後苑壬地設幄為大行皇后舉哀成服之禮所有合造衣  
服乞下大思院製造供進其儀範令太常寺檢會供報伏乞特賜教養德  
壽宮取旨恭奉太皇太后上皇帝聖旨依禮官擬定 成服儀 其日時禮宜官  
太常博士太常卿先詣幄前立俟皇帝自內服皂幘頭白羅衫黑銀帶絲  
鞋詣別殿側御幄即坐簾降俟時至禮宜官太常博士引太常卿當幄前  
俛伏跪奏太常卿臣某言請皇帝馬大行皇后上儀成服奏訖伏興太常  
卿太常博士禮宜官並跪退皇帝馬大行皇后上皇帝釋孝服服期服大  
百僚悉別殿門外同時是服訖御史臺閣門太常寺報引文武百僚入詣

殿門內外隨宜立班定禮宜官先引詣祝文官詣香案之西東向立俟皇  
帝服期服訖閣門報班齊在位官皆再拜訖薦德禮宜官太常博士太常  
卿前導皇帝出幄詣香案前奏請上香再上香三上香內侍進茶酒又奏  
請酌茶三舉酒又奏請少立讀祝文官東向跪讀祝文訖奏請皇帝舉案  
在位官皆舉案俟哭止又奏請致欽不拜前導官前導皇帝在位官皆再  
拜俟皇帝歸幄次文武百僚前導官退歸次換常服黑帶詣後殿門外進  
名奉慰訖退 殿攢 乾道三年七月一日禮部太常寺言今來大行皇  
后上儀檢照章穆皇后懿節皇后禮例係大欽訖合選日殿攢今來大欽  
已定七月二日所有殿攢日時及祭土時并殿攢方位太史局選用七月  
七日壬寅祭土殿攢時並宜用當日丁時殿攢方位宜於本殿東南利方  
吉詔係 二日禮部太常寺言今來大行皇后梓宮殿攢今條具下項  
一依禮例殿攢日不視事群臣奉慰 一殿攢合用栢整龍帳及合用物  
色等欲乞依禮例令都大主管所下所屬排辦 一殿攢日百司作休務  
一日 一合用御封降真香二合祝文二首一首是以前為大行皇后殿攢  
時前導官行祭告之意 一首是以皇帝馬大行皇后殿攢行燒香禮之意  
一合於大行皇后殿側設青素御幄施簾設相椅等合用香案器皿等差

永樂大典卷七十三

六

前導讀祝文官侍香等內侍官等欲乞並依成服禮例 一合用祭告并  
行燒香禮供養食并茶酒果乞都大主管所行下諸司排辦 一殿攢時  
前祭告行禮官欲乞差都大主管官 一檢照顯仁皇后殿攢行禮日百  
官已釋服皇帝未釋服所有陪位立班官係用成服日臨於殿廡立班官  
易衰服陪位其班于殿門外官不入陪位止令常服去飾以俟奉慰畢退  
今來大行皇后殿攢行禮陪位立班官并奉慰欲乞並依上件禮例內殿  
攢行禮陪位欲乞皇太子率執親王使相侍從兩省臺諫見任卿監郎官  
管軍知閣橫行御帶環衛官立班詔係 殿攢時前行祭禮儀 其日俟  
排辦足備引都大主管官常服黑帶詣大行皇后梓宮前北向再拜訖揖  
笏跪三上香奠茶三奠酒訖執笏俛伏與少立陰陽官讀祝文殿攢大主  
管官再拜訖以俟太史局報時及引都大主管官監祝殿攢 殿攢畢帝  
行禮儀 其日文武百官常服吉帶入皇城門內幕次合赴殿廡陪位官就  
次易衰服以俟陪位其班于殿門外官就次易常服黑帶以俟奉慰俟  
攢訖御史臺閣門太常寺分引行事陪位官入詣大行皇后殿攢殿下殿  
位立班定諸祝文官於香案前立前導太常卿太常博士禮宜官並於御  
幄之前立皇帝服期服訖即座閣門報班齊禮宜官太常博士引太常

永樂大典

卷七七七八

三三八

卿當陞前伏跪奏太常卿臣某言請皇帝為大行皇后殿櫛行燒香之禮奏訖伏興退後位在位官皆再拜訖簾捲前導官導皇帝出陞詣大行皇后拜官香案前上香再上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請奠茶奠酒再奠茶三奠酒奠茶奠酒又奏請奠茶奠酒又奏請奠茶奠酒又奏請奠茶奠酒再拜皇帝歸簾降階位前導官退歸幕次換常服黑帶以俟與侍班奏慰文武官並詣後殿門外連名奉慰訖次易吉帶退御殿乾道三年六月二十八日禮部太常寺言今大行皇后上僊檢照章穆皇后懿節皇后禮例群臣釋服後皇帝便殿視事權易忌日之服俟皇帝釋服後常服前殿視事今欲乞休工作禮例兼契勘見今係後殿坐亦乞休已降指揮施行詔休七月五日閣門言為大行皇后上僊皇帝釋服畢自今月九日後殿坐詔休閏七月四日禮部太常寺言閏七月三日至七日緣係在安恭皇后拜宮落櫛未發引之內并閏七月十八日卒哭并二十一日日附廟日休已降指揮前後殿不視事所有閏七月八日安恭皇后拜宮發引掩櫛畢其已後視事日分理合酌宜申請今欲乞除九日慶主回奉迎十日旬假十一日附廟受誓戒十五日望日奉慰二十日附廟前一

永樂大典卷三百五十八

七

致齋並前後殿不視事其餘日分並乞休先降指揮後殿坐內閏七月九日係奉迎皇帝拜休務便詔休按地乾道三年七月二日禮部太常寺言今檢照章穆皇后故事命內侍班副都知閻承翰為團陵使行便入內副都知監繼宗副之昨昭慈聖獻皇后櫛官止差入內內侍省押班梁邦秀為按行使并顯仁皇后櫛官按行使差吏部侍郎葉義問副使差入內內侍省都知衛茂實今大行皇后櫛官按行使副合取朝廷指揮詔按行使差周執羔副使差賈弘兼會七月二日詔以左陽軍節度使閻承翰同三司充為奉親使居廟為總護使制節都知史正志為領事禮部尚書周執羔為按行使賈弘為按行副使故事團陵當差五使昭慈聖獻顯仁皇后櫛官止差總護領事二使又團陵按行使故事差內侍正副二員顯仁皇后櫛官差侍從官為使內侍制之故今皆遵用此五日試禮部尚書周執羔入內內侍省押班賈弘言已降聖旨櫛官去處就安穆皇后櫛官今奉本司前去相視欲乞依例恭詣安穆皇后櫛官朝謁詔依十一日太常寺言按行使同執羔副使賈弘等今月八日躬親將帝起擇官禮宜官相視到櫛官地既今取到逐人文狀奉聖旨今太常寺看詳中尚書省一太史局狀契勘今奉安穆皇后櫛官殿宇門戶並

永樂大典卷三百五十八

八

皆北向今相視得殿東地一段林木繁盛堪充大行皇后神穴即與園音并陰陽經書並無妨礙宋會要九日中書舍人賈樞直學士院洪基其以國家多事費用百出凡所施為當即以制大行皇后喪事一切引月顯仁皇太后舊例舉以裁減為名總護使官屬生三十九人夫以十里之間一日之事內有都大主官治其日外有兩浙漕運供其費而所置條屬雖軍機出使開置軍府並未嘗有此數且同執羔為按行使史正志為領事使其所差官比之前制十去其八三便一也或言或議於理未無之理總護使一司官屬不宜過十人欲望特賜裁減仍自今有所陳請皆從朝廷處置奉從之一禮直官狀相視到大行皇后櫛官地既係在安穆皇后櫛殿之右內園牆之東安立大行皇后神園神穴即無妨礙契勘見今安穆皇后櫛殿東內園牆至東壁外園牆禁地係三十丈其外園牆已更不增展所有大行皇后櫛官內園牆已隨宜修奉一臣等契勘今奉所按上件地既如太常寺看詳得其地委無妨礙伏望奏許臣等標割神穴神園一太常寺勘會按視到地一段奉再取到太史局狀若降指揮許用上件地既候指揮下日本局指引於安穆皇后櫛殿東一列標割神穴神園本寺今看詳即與典禮別無妨礙詔依同日大行皇后櫛官

振爲修奏應管人內侍省押班韓肇爲都監唐思嚴祇候劉慶祖爲承  
受。故事園陵有監修宮。及鈐轄都副。至那思聖獻皇后攢宮。止是奉  
總管都監各一員。顯仁皇后攢宮。又有承安內匠一員。故今遵用之。四月。  
詔委姜某說應辦大行皇后攢宮營造并錢報。六月。禮部太常寺言依  
故事修奉攢宮合用十二神等條工部下文思院計會太史局修置詔條  
七月。禮部太常寺言。准尚書省劄子主管侍衛步軍司公事郭振人內  
侍省押班林肇狀。准勅差大行皇后上儀修奉攢宮總管都監。其合行  
事件欲乞參照。昨修奉顯廟皇后顯仁皇后攢宮前後已得指揮令未修  
奉攢宮事千古典禮。合用上下宮制度等。乞下禮部太常寺討論降下圖本  
修奉。承聖旨依今討論欲令修奉官司。參酌北附安穆皇后攢宮體式。隨  
宜修奉。所有神御下宮修禮制。係就安穆皇后攢宮下宮殿內一就安奉。  
亦乞令修奉官司隨宜添修詔條。同日。詔差周宗同姜某說應辦大行皇  
后攢宮營造并錢報。十二月。禮部太常寺言。准尚書省劄子。大行皇后  
攢宮修奉使司狀。契勘大行皇后攢宮修奉應合用竹木磚瓦灰石等物  
料。已令漕臣應副。今來合先次下手。所事磚瓦石段等工役。伏乞朝廷下  
有司討論指定下手興工并破土日分及祭告禮制降下以憑遵守奉聖

朝廷取旨降下集議日分太史局選到七月七日壬寅三十一日丙辰詔用七月七日同日又言檢照孝明孝惠皇后典故倭倭百官議定議號制下之後行冊之前正命官告太廟告訖上於靈座今來大行皇后議號乞依上件典故俟集官議定議號勅下後奉冊之前遣官奏告太廟別廟訖奉冊冊寶上於靈座詔依同日又言今來大行皇后上僊依體例令差撰議官一員詔差王瓚六日禮部太常寺言今來依議號勅下後奉冊之前依安穆皇后體例遣官奏告太廟別廟今具合行事件下項一奏告日辰候朔日乞令太史局選定一合用卿封降真者一十三合祝文一十三首並述以皇后夏氏諡號勅下奉冊前期奏告之意一合用白幣一十三段各長一丈八尺熟白絹充一奏告每室各合用酒脯麝香蠟燭上香木炭等並乞令臨失府排辦一奏告官一員依體例係差南班宗室充一光祿卿奉禮郎太祝太官令各一員乞令太常寺官充詔





三

古

莫實於盞興次舉實盞與職掌先捧實盞於殿上積果榜位置定舉實  
官舉實盞跪置於案上舉實官執笏奠降復位禮直官贊太傅躬拜在位  
官皆再拜訖並退時值雨或雪溫立班官并同官及執應人並隨立班  
升降歸幕次易吉帶詣後殿門外立班進名奉慰訖退 鼓吹警場挽歌  
乾道三年七月九日禮部太常寺言將來大行皇后祔宮發引前場  
依禮例合用挽詞唱和執色挽歌并發引前大行皇后祔宮發引前場  
係警場鼓吹修撰詞典今檢照懿節皇后禮例申請下項 一合用挽詞  
係翰林學士中書舍人共撰二十一首 一挽歌人數今比附用三十六人  
今乞親挽歌節級路逐會解唱和之人拘收赴寺教習 一挽歌合用服  
著青欄水油畫冠等并執色鈴鐸事件乞下文思院製造 一今來所撰  
挽詞才候降下依例合閱習一月至期呈披前夕唱和及發引前導引至  
櫟宮至掩櫟一切了畢放散 一依國朝故事靈駕發引合用導引六州  
十二時詞典今乞依例具腔譜申學士院修撰降下教習 一警場合用  
金鈺十二人鼓角手各六十八人逐色教頭五人管押人員三人評押使臣  
一負乞令殿前司就差金鼓鳴角并合用武嚴指揮教頭三人依例於太  
常寺覓管人內差撥 一鼓吹合用鼓吹令丞職掌府典史引樂官一十

人內除見管令丞外例差太常寺人吏充攝歌色一十六人軍樂色三十人笛色三十人簫色八人大鼓一十六人小鼓一十六人節級一名金鉦四人共用一百二十一人其所差鼓吹執色人昨紹興十二年係借差鈞容直今乞依例於殿前馬步三司均差會解樂藝識字之人充攝事畢發遣一所有警場鼓吹挽歌欲乞定日總護使領通使都大主管其事所等官并禮部太常寺官接習係與鐘鼓院金吾衛仗司司日接習已於貢院詔休 挽詞 其一 上主周南化真同麟趾詩來符采順德有助太平基禮禮當年美禱楡此日悲六宮恩賜則遺訓有餘師 其二 帝遣皇英女來宿廣潤門鈞陳元自近天極有常尊寶司開文在微名古制教所嗟予輒祝曹不報姜姬 其三 永植長生木光開白梨花風流綠前館鴈渾龍車蘭殿成陳迹蓬壺有舊家悠悠赤山道煙月送悲船其四 淑德膺天眷坤宜敵殿闌未聞留玉璫俄已盡金非禮意存椒壁功勳見鞠水南山孤月在澹澹不成輝 其五 儂極身方貴來雲質已儂定從金母燕不教月娥形管傳新史清詩藹舊篇豈知生是夢惟有淚如川 其六 璧月循黃道軒星映紫闌六宮降節節八未諄音徽翟帝前驅是龍惟去路非柏城無白日揮淚掩容衣 其七 德配塗山氏

永樂大典卷七三七八

五

人言夏后孫二南風化盡一旅典刑存蘭殿秋聲早椒房曉日昏傷心五雲畔悲憤攪乾坤 其八 漢漢乾坤大衆家族望神神護夏后氏隱德漢黃公貴女開邦媛徽音嗣國風若萬天不弔一旦玉繩空 其九 早預虞幄降親承代邸思潛龍見真玉璫翟儂天閣蘭殿音容盛椒室禮數尊西風今夜月思自照黃昏 其十 儉德光千載仁聲決四方游龍成車馬吐鳳有文章締綰朝朝御房龍漫夕香猶堪付彤管綠葉寫芳其十一 不見朝黃道猶疑開紫闌坤儀方厚載月竟淪輝玉座悲歡異金輿寂寥歸梁間雙燕語似說故時非 其十二 據據都門道遺儀感路人龍輅成永訣驚驚僂僂陳西極優游遠南山吉兆新蕭森柏城路何日夜臺春 其十三 皇矣中天運居然內治修龍樓朝望館館春春秋水殿人何在雲軒親莫留西風湖上路驚吹擁行轡 其十四 魚貫承恩日鷄鳴問寢時聖傳仍翰墨能事更聲詩共擬周南應離成楚些悲昭文琴不鼓那忍問成虧 其十五 玉勝題祥兆瑞水曉至尊柔儀高馬鄧懿德遠熾姬嬭璇空陳迹宛軒即異恩傷心踰七夕素素不勝簫其十六 圖史陳規鑒篇章妙剪裁承顏記金屋委化忽泉臺幽燦湖山秀清茹道路哀玉繩秋既望猶話翟車來 其十七 鸞鸞南山路空曉

鳳翼紅蓮歌淒曉露蘭殿條秋風故劍思仍在中瑞事已空抵應彤史筆能馬記陰功 其十八 時節家人禮從容父子歡母儀天下順婦道四方親王冷冰銷風塵昏鏡掩驚前春勸驚事無復上桑壇 其十九 微咸言猶在尊榮事已非秋高天雨泣傷去月沈輝綠華空遐想椒塗定不歸可堪聞郵典華夏涕沾衣 其二十 儀天初作合適日自同休身有憂勤志家無恩澤侯月方沉厚夜春不返長秋典策哀榮備難軒萬國愁鼓吹 黃鍾羽 導引 金殿曉然結坤寧天下映恩德昇雲山浩浩歸何處但聞空際綠鸞聲紫簾斷後無蹤跡煙霧夜澄澄曉夢到瑤城當時花未正真冥 六州 娟娟月初未闌忽沉西桂枝殘寒下惟見露脚斜飛六宮歌笑來瑤瑤一朝寂寞掩輝夜夜不勤玉鸞沉況何處愁霧縹金屏 群德瞻道範肅駕到蓬池雲清思鬱飛電霄沉又誰知一世來儀椒塗王細金鸞寶聖主膺天命功勳勳魯佐維熙三天闕王閨低迷五雲高絳衣赤差往事如今好尋思留得香腸錦管寫新詩但看芳猷美實同傳藏陰名萬古昭垂 十二時 皇家景運合無疆天子生明堂豐年多泰四方爭報時康酒常清花易好壽君王天公見玉女大笑億千場不知椒塗暗淡瑤殿凄涼寶鏡玉臺光可奈畫眉人去脂澤散餘芳極

永樂大典卷七三七八

六

目望瀟湘波遙草遠只見殘陽南山古阜松栢茂蔚蒼蒼香露宮商風過金玉琳琅歌繁嚴嚴近條悲傷水凝愁山橫恨煙暗雲黃神山河在蟠桃已遠君木何長最難堪四翟離逆驚風音容遠別殿設焚香 釋服乾道三年六月二十六日禮部太常寺言今來皇后上僊今泰顯奉皇乾道三年六月二十六日而釋百官三日而釋諸道州府計告到日長史率文武官舉哀成服三日而除今欲乞依休工作典故詔依 二十八日禮部太常寺言今檢照典故下項 一建隆二年六月二日昭憲皇太后崩太常禮院言皇弟恭寧軍節度使太常寺言嘉州防禦使光美並服齊衰三年准故事合隨皇帝以日易月之制二十五日釋服二十七日而禪除畢服吉服心喪終制從之 一景德元年三月十五日明德皇后崩太常禮院言准昭憲皇太后禮例宗室雖王已下禪除畢吉服心喪終制從之一今來大行皇后上僊所有皇太子皇子今欲比附上件典故二十五日釋服二十七日而禪除服吉服心喪終制詔依 禮月一日禮部太常寺言今來大行皇后上僊其七月八日皇帝行釋服之禮緣是日禮部太常寺子所服未除今欲乞俟將來皇太子皇子釋服并禪除日詣大行皇后后宮殿前行燒香之禮詔依 二日禮部太常寺言將來皇太子皇太后后

釋服日依銑新皇后禮制諸凡筵前行祭奠之禮今比附成服祭奠禮例  
下項 一合用祝文一首以馬大行皇后釋服行祭奠之意所有合用  
御香香案器皿及設御帷相椅百官幕次差前導讀祝文官侍香捲簾內  
侍官等並乞依成服禮例 一釋服日依禮例皇帝自內服期服詣  
大行皇后櫛殿御帷俟太常卿奏請訖跪奠忌日之服俟行禮畢歸帷易  
吉服還內 一應行事執事陪位官赴大行皇后櫛殿依禮例並合機易  
黑帶去金上鉤并面案俟禮畢仍舊吉帶 一行禮日依禮例文武百僚  
陪位立班是日百司欲並作休務假一日 一昨訖節皇后上僊皇帝釋  
服訖其期服於利方焚燒今來大行皇后上僊皇帝釋服訖其期服欲乞  
依典故令太史局差魁擇官指引利方焚燒并差監視燒燎官一員乞下  
入內侍省差合用樂章乞下諸司排班詔依 釋服行禮儀 其日時  
前禮直官太常博士太常卿先詣櫛殿前立俟皇帝自內服期服詣大行皇  
后櫛殿側御帷即坐簾降次禮直官太常博士引太常卿當階前跪伏跪  
奏稱太常卿臣某言請皇帝為大行皇后釋服行祭奠之禮奏訖伏興退  
後位立俟皇帝釋期服易忌日之服訖御史臺閣門太常寺分引文武百  
僚攜易黑帶入詣殿門內外隨宜立班定俟禮直官先引詣祝文官詣大

永樂大典卷七十三

七

行皇后櫛殿前香案之西東向立閣門報班齊在位官皆再拜訖展捲禮  
直官太常博士太常卿前導皇帝出嚮由殿階詣大行皇后几筵香案前  
奏請上香再上香三上香內侍進茶酒又奏請酌茶奠酒再奠酒三奠酒  
奏請少立詣祝文官指席東向跪讀祝文訖執爵興退奏請皇帝舉天在  
位官皆舉哭俟哭止又奏請皇帝欽欽不拜前導官前導皇帝在位官皆  
再拜訖俟皇帝歸帷次文武百僚前導官退皇帝就帷易吉服還內次大  
武百僚易吉帶詣後殿門外進名奉慰訖退 恭摺 乾道三年七月六  
日禮部太常寺言將來大行皇后發引行落櫛殿墓真遺奠之禮今檢  
照典故申請下項 一乾德二年三月二十七日孝明皇后櫛殿臣服  
初喪之服臨于殿二十八日神樞自滋德殿發引帝於明德門外素服設  
奠行遺奠之禮 一至道元年十月二十一日太常禮院言十一月一日  
孝章皇后落櫛宮二十九日太常禮院言上自落櫛至遺奠遂祭儀注詔  
落櫛宮落櫛祖遺四祭並遣監護使郭勣攝太尉祭 一景德四年五月  
二十九日章穆皇后落櫛宮帝親臨酌奠六月八日發引帝素服行遺奠  
之禮 一欽節皇后落櫛宮發引當時與顯肅皇后同時發引其日皇帝親  
行落櫛真遺奠之禮 一顯仁皇后落櫛宮發引當時與顯肅皇后同時發引其日皇帝親

皇帝親行落櫛祭奠之禮十六日靈駕發引皇帝親行落櫛祖遺奠之  
禮 一檢照前項落櫛等典禮並皆不同所有將來梓宮落櫛日今欽奉  
照已行殿櫛禮例俟落櫛時前令總護使先行祭告禮畢有司排選梓宮  
運殿安奉訖皇帝行落櫛祭奠之禮其落櫛祖遺二祭欲乞令總護使行  
禮及俟梓宮發引皇帝行遺奠之禮詔係宋會要九日左右金吾街仗司言  
將來大行皇后發引歷史儀場合差打官官一員職掌二人兵八十八人  
前期教習唱和警場從之十五日禮部太常寺言將來梓宮落櫛訖皇帝  
行落櫛燒香禮合行事件 一落櫛皇帝服素行燒香之禮群臣以初喪  
服自是一日臨至發引皆如之乞用昨發引入臨宮立班并發引前一日  
畫漏未盡三刻入臨合差定時魁擇官已就差都大所刻擇官 一落櫛  
所有陪位立班官今參照殿櫛禮例於殿前立班官易初喪之服陪位其  
班于殿門外官更不入陪位止令常服黑帶以俟奉慰畢退及內庭諸色  
人只服本色服 一依禮例自落櫛前三日至柩廟並前殿不生仍自落  
櫛至發引前後殿不視事宰執除落櫛日并發引前一日外餘日赴內殿  
奏事 一依禮例落櫛畢合行奉慰令乞俟落櫛行禮畢文武百僚並詣  
後殿門外進名奉慰是日百司作休務假一日 一今來合於櫛殿東廊

永樂大典卷七十三

七

權設香案暨并合用相椅等乞下儀駕司排辦 一合用祝文一首乞以  
為大行皇后落櫛畢梓宮運殿皇帝行燒香禮之意乞下學士院修撰  
一合用御封降真香一合乞下入內侍省請降 一供養食并茶酒果  
上香炭香爐匙合蠟燭燭單等乞今都大主管諸司排辦 一合差讀祝  
文官一員乞差史官前導太常卿一員贊引太常卿太常博士一員乞差  
太常寺官合差掖簾侍香并進茶酒捧祝版執燭內侍乞下入內侍省  
差詔休 十六日禮部太常寺言將來梓宮落櫛日時前令總護使先行  
祭告禮今比附合行事件下項 一時前祭告行禮官依禮例就差總護  
使行禮 一合用御封降真香一合祝文一首乞以大行皇后落櫛時前  
祭告梓宮運殿之意 一供養茶酒果茶食并香案香爐匙合上香炭火燭  
單拜褥等係諸司排辦 一合差讀祝文官一員乞差太常寺官詔休  
同日都大主管所言准尚書省劉子將來梓宮落櫛日辰時刻太史局選  
用閏七月二日丁卯吉時用其日乙時於櫛所正南偏東兩位落櫛詔休  
十八日禮部太常寺言閏七月二日卯時八刻後落櫛用百官陪位立班  
緣是日在文太于重樞出葬司成服立班官赴嘉會門外恭辭廟庭赴  
落櫛立班不及據太史局中落櫛時欲改用其日丁時詔休十七日禮部



永樂大典 卷七三七八

太常寺言將來梓宮發引皇帝親行啓櫓并遣奠之禮其行遣奠禮皇帝所服素服係白羅軟脚襖頭白羅衫黑銀帶絲鞋見今文思院製造外所有皇帝親行啓櫓禮亦合服素服今欲乞止就用見製造素服行禮詔依  
間七月一日禮部太常寺言檢照章穆皇后典故啓櫓之日群臣乘服入臨萬安宮皇帝以素服行遣奠禮迨至顯仁皇后啓櫓亦用已行故事今奉安恭皇后啓櫓用前項禮例申請群臣自啓櫓至梓宮發引前一日並用素服赴臨竊詳今來事體與前項微有不同所有禮例合隨宜參酌申請一羣臣已經釋服今未依前項典故服初喪之服入臨恐以上件服出入宮門有所未便今欲乞啓櫓行禮陪位立班臣僚盡令吉服入宮門幕次易常服黑帶立班及初八日群臣門外奏辭亦乞依今來所服常服黑帶其陪位立班官啓櫓行禮時臨乞餘日更不入臨所有乘服乞今日下踐素一已降指揮啓櫓日皇帝用素服行禮緣今來陪位立班官乞以常服黑帶所有皇帝所服亦當酌合宜欲乞是日皇帝服忌日之服黑鞋犀帶絲鞋一所有發引前夕夜祭并落奠祖奠遣奠行禮陪位官及會葬從梓宮臣僚欲乞依已降指揮並服初喪之服至啓櫓掩轎奉辭訖易常服退所有乘服候禮畢即令踐素詔依 啓櫓時前祭告儀

永樂大典卷七三七八

九

其日候排辦足備引總護使常服黑帶詣大行皇后梓宮香案前北向再拜訖揖筭三上香三奠茶三奠酒訖執笏俛伏興少立讀祝文官東向跪讀祝文訖總護使再拜訖俱退 皇帝行啓櫓儀 其日文武百官常服吉帶入皇城門幕次合赴殿庭陪位官就次易初喪之服以俟陪位其班于殿門外官就次易常服黑帶以俟奉慰侯啓櫓訖御史臺閣門太常寺分引行事陪位官又詣讀祝下就位立班定讀祝文官於香案之西東向立前導太常卿太常博士禮直官立於御幄之前皇帝自內服常服至幄次服素服白羅軟脚襖頭白羅衫黑銀帶絲鞋即座閣門報班齊禮直官太常博士引太常卿當幄前俛伏跪奏太常卿臣某言請皇帝為大行皇后啓櫓運殿行燒香之禮奏訖伏興退後位在位官皆再拜訖簾捲前導官導皇帝出幄詣梓宮香案前上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請奉哭皇帝奉哭在位官皆奉哭俟哭止入奏請飲欽不拜前導皇帝在位官皆再拜皇帝歸幄簾降陪位前導官退歸幕次換常服黑帶以俟與侍班奉慰文武官並詣後殿門外進名奉慰訖並就次易吉帶退

永樂大典卷之七千三百七十八

永樂大典卷七千三百七十八

十